



Broj: 01-69/14
Vareš, 27.02. 2014. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06), člana 150. i 152. Zakona o socijalnoj zaštiti, zaštiti civilnih žrtava rata i zaštiti porodice sa djecom Zeničko-dobojskog kantona (Službene novine ZDK broj:13/07 i 13/11), člana 22. i 95. Statuta Općine Vareš - prečišćeni tekst, broj: 01-162/12 od 11. 09. 2012. godine Općinsko vijeće Vareš, na 16. sjednici održanoj 27.02. 2014. godine, d o n o s i

O D L U K U
o dodjeli jednokratne novčane
pomoći svakom novorođenom djetetu

Član 1.

Ovom Odlukom utvrđuju se uslovi za ostvarivanje prava na jednokratnu novčanu pomoć porodicama novorođenog djeteta, postupak utvrđivanja prava, nadležni organ koji odlučuje o pravu i izvor sredstava potrebnih za jednokratnu novčanu pomoć.

Član 2.

Pravo na jednokratnu novčanu pomoć po ovoj Odluci ima svako novorođeno dijete roditelja koji imaju prebivalište na području općine Vareš najmanje 6 mjeseci prije poroda.

Član 3.

Jednokratna novčana pomoć u iznosu od 200,00 KM (slovima: dvije stotine KM) isplatit će se porodici novorođenog djeteta.

Za drugo novorođeno dijete porodici će se isplatiti iznos od 300,00 KM (slovima: tri stotine KM).

Za treće novorođeno dijete porodici će se isplatiti iznos uvećan za 20%.

Za četvrto novorođeno dijete porodici će se isplatiti iznos uvećan za 20% od prethodnog iznosa.

Član 4.

O pravu za ostvarivanje jednokratne novčane pomoći majci/porodilji novorođenog djeteta, Rješenje donosi Načelnik Općine Vareš, putem nadležne Službe.

Član 5.

Zahtjev za ostvarivanje prava na jednokratnu novčanu pomoć sa potrebnom dokumentacijom dostavlja se nadležnoj općinskoj službi u roku od 60 dana od dana rođenja djeteta.

Izuzetno od stava 1. ovog člana, za djecu koja su rođena u 2014. godini, a prije stupanja na snagu ove Odluke, zahtjev se može podnijeti u roku od 30 dana od stupanja na snagu iste.

Uz zahtjev se prilaže:

- Izvod iz matične knjige rođenih, za dijete;
- Kućna lista;
- CIPS-ova potvrda o prebivalištu majke;
- Ovjerena kopija lične karte;

Nadležna služba iz člana 4. ove Odluke, dužna je odlučiti o pravu na jednokratnu novčanu pomoć u roku od 15 dana od dana uredno podnesenog zahtjeva.

Član 6.

Novčana sredstva iz člana 3. ove Odluke bit će isplaćena korisniku prava iz Budžeta Općine Vareš, a na osnovu rješenja koje donosi nadležna služba.

Član 7.

Novčana sredstva za provedbu ove Odluke osigurat će se u Budžetu Općine Vareš, na poziciji Beneficije za socijalnu zaštitu (subvencije porodiljama), ekonomski kod: 614231, sredstva od viših nivoa vlasti, iz donacija i drugih izvora i vlastita sredstva.

Član 8.

Za provedbu ove Odluke zadužuje se Služba za društvene djelatnosti i boračko-invalidsku zaštitu i Služba za privredu i finansije Općine Vareš.

Član 9.

Izmjene i dopune ove Odluke vršit će se na način i po postupku kao i prilikom njenog donošenja.

Član 10.

Ova Odluka stupa na snagu osmog dana od dana objavljivanja na oglasnoj tabli Općine Vareš.

Član 11.

Ukoliko na kraju godine ostane neraspoređenih sredstava, a punjenje budžeta bude u maksimalnom kapacitetu od 100%, izvršit će se uz prethodnu suglasnost Općinskog vijeća, naknadna raspodjela tih sredstava.

**PREDSJEDAVAJUĆI
OPĆINSKOG VIJEĆA**

Zdravko Marošević

Odluka objavljena na oglasnoj tabli Općine Vareš dana 28.02. 2014. godine

OPĆINSKI NAČELNIK

Kovačević Avdija, dipl. pravnik

O b r a z l o ž e n j e
Odluke o dodjeli jednokratne novčane pomoći
svakom novorođenom djetetu

1. Pravni osnov

Pravni osnov za donošenje ove odluke sadržan je u članu 13. Zakona o principima lokalne samouprave FBiH (Službene novine FBiH broj: 49/06), članu 150. i 152. Zakona o socijalnoj zaštiti, zaštiti civilnih žrtava rata i zaštiti porodice sa djecom Zeničko-dobojskog kantona (Službene novine ZDK broj:13/07), članu 22. i 95. Statuta Općine Vareš - prečišćeni tekst, broj: 01-162/12 od 11. 09. 2012. godine.

Članom 150. stav 1. alineja b) predviđeno je da se sredstva finansiranja socijalne zaštite, zaštite civilnih žrtava rata i zaštite obitelji sa djecom osiguravaju i u budžetu općine, a članom 152. stav 1. alineja h) predviđeno je da se iz općinskog budžeta finansiraju i druga prava iz socijalne zaštite, koja svojim propisima utvrđuju, odnosno planiraju općine.

Članom 22. stav 1. alineja 23. Statuta Općine Vareš - prečišćeni tekst, broj: 01-162/12 od 11. 09. 2012. godine definisano je da: „Općinsko vijeće, najmanje jednom godišnje ocjenjuje rad ustanova i kvalitet usluga u djelatnosti zdravstva, socijalne zaštite, obrazovanja, kulture i sporta, te osigurava finansijska sredstva za unapređenje njihovog rada i kvaliteta usluga u skladu sa potrebama stanovništva i mogućnostima Općine Vareš“.

Članom 95. Statuta Općine Vareš su definisani akti tj. propisi koje donosi Općinsko vijeće.

2. Razlog za donošenje

U Budžetu Općine Vareš za 2014. godinu pod pozicijom Beneficije za socijalnu zaštitu (subvencije porodiljama), ekonomski kod: 614231 u iznosu od 20.000.00 KM (slovima: dvadeset hiljada konvertibilnih maraka) predviđena su sredstva za dodjelu jednokratne novčane pomoći svakom novorođenom djetetu, te je iz navedenog razloga neophodno donošenje ove Odluke.

Donošenjem ove Odluke će se omogućiti na zakonit i transparentan način utrošak sredstava planiranih u Budžetu za 2014. godinu pod ekonomskim kodom:614231, a sam cilj i svrha planiranja ovih sredstva i donošenja ove Odluke je podsticaj u proširenju porodice kako bi se na ovaj način podigla stopa nataliteta na području naše općine.

3. Finansijska sredstva

Za sprovođenje ove odluke finansijska sredstva su planirana u Budžetu Općine Vareš za 2014. godinu pod pozicijom Beneficije za socijalnu zaštitu (subvencije porodiljama), ekonomski kod: 614231 u iznosu od 20.000.00 KM (slovima: dvadeset hiljada konvertibilnih maraka).

PREDLAGAČ:
OPĆINSKI NAČELNIK

Kovačević Avdija, dipl. pravnik